

# পরিচালক মন্ডলীর প্রতিবেদন

## DIRECTORS' REPORT

### পরিচালকমন্ডলীর প্রতিবেদন

বিসমিল্লাহির রহমানির রাহিম,

সম্মানিত শেয়ারহোল্ডারবৃন্দ,

আসসালামু-আলাইকুম ওয়া রহমাতুল্লাহ।

কোম্পানির পরিচালকমন্ডলীর পক্ষ থেকে ২০২২-২০২৩ইং অর্থ-বছরের বার্ষিক প্রতিবেদন, নিরীক্ষিত হিসাব ও নিরীক্ষকবৃন্দের প্রতিবেদন আপনাদের সদয় বিবেচনা এবং অনুমোদনের জন্য উপস্থাপন করা হলো।

#### ১.০ শিল্প দৃষ্টিভঙ্গি ও কোম্পানির বিষয়াদির অবস্থাঃ

##### ১.১ পরিচিতিঃ

১৯৮১ইং সালে গাজীপুরস্থ কালিয়াকৈর থানার চন্দ্রায় কোম্পানিটি স্থাপিত হয় এবং ১৯৮৪ সালের জুলাই থেকে এর বানিজ্যিক উৎপাদন শুরু হয়। কোম্পানিটি শুধুমাত্র ইউ.এস.পি টাইপ-১ (USP Type-I) নিউট্রাল গ্লাস এম্পুল (Neutral Glass Ampoule) উৎপাদন করে দেশীয় ও বহুজাতিক ঔষধ কোম্পানিগুলোতে অত্যন্ত সুনামের সাথে সরবরাহ করে আসছে। কারখানাটি মোট ৩৬.০০ শতাংশ জমির উপরে নির্মিত যার মোট আয়তন ১৯,৮০০ বর্গফুট, যার মধ্যে নীচ তলায় ১৩,২৮৪ বর্গফুট এবং দোতলায় ৬,৫১৬ বর্গফুট এলাকা উৎপাদন, গুদাম ও সংশ্লিষ্ট কাজে ব্যবহৃত হচ্ছে।

##### ১.২ মানব সম্পদঃ

কোম্পানিতে বর্তমানে কর্মকর্তা, কর্মচারী ও স্থায়ী-অস্থায়ী শ্রমিকসহ সর্বমোট ১০৩ জন নিয়োজিত আছেন। প্রতিষ্ঠানের সকল পর্যায়ের কর্মকর্তা, কর্মচারী ও শ্রমিকগণের মধ্যে সুসম্পর্ক বজায় রয়েছে। বাস্তব অভিজ্ঞতা অর্জনের মাধ্যমে এ জনবল দিনে দিনে মানব সম্পদে পরিণত হয়েছে।

##### ১.৩ উৎপাদন, বিক্রয় ও লাভ-ক্ষতিঃ

সারা বিশ্বের মত এদেশেও এম্পুলের চাহিদা ক্রমশ বেড়েই চলেছে। কোম্পানি প্রতিষ্ঠিত হওয়ার পর সাম্প্রতিক বছরগুলোতে ধারাবাহিকভাবে শুধুই উন্নতি করে আসছিল। কিন্তু এই আলোচ্য বছরে উৎপাদন ও বিক্রয় গত বছরের তুলনায় কম হয়েছে। গত বছর উৎপাদন ছিল ১,৪৬৪.১৬ লক্ষ পিস এম্পুল ও নীট বিক্রয় হয়েছিল ৩,২৩০.৪৮ লক্ষ টাকা। আলোচ্য বছরে উৎপাদন হয়েছে ১,৪৬০.৫৯ লক্ষ পিস এম্পুল ও নীট বিক্রয় হয়েছে ৩,০৮৪.৯৪ লক্ষ টাকা, যা গত বছরের তুলনায় যথাক্রমে ০.২৪% এবং ৪.৫১% কম। এর পিছনের মূল কারণ ২০২২-২৩ইং অর্থবছরের ১ম ও ২য় কোয়ার্টারে বিদ্যুৎ ও গ্যাস সরবরাহের সংকট। অন্যদিকে দেশের অর্থনৈতিক মন্দা, বৈদেশিক মুদ্রার অভাব, ন্যূনতম করের বিধান মোতাবেক অত্যধিক কর প্রদান, এবং গ্লাস এম্পুলের অপরিবর্তিত বিক্রয় মূল্যের কারণে কর পরবর্তী নীট মুনাফা না হয়ে প্রায় ৬৪ লক্ষ টাকা লোকসান হয়েছে। এই কোম্পানির উৎপাদিত পণ্যের মূল কাঁচামাল সম্পূর্ণভাবে, অর্থাৎ ১০০%, আমদানি নির্ভরশীল হবার ফলে খরচের পরিমাণ গত বছরের তুলনায় অত্যন্ত বেশী হয়েছে। কারণ একদিকে কাঁচামালের দাম বাড়িয়ে দিয়েছে (যা দ্বিতীয়ার্ধে দরাদরি করে কমানো হয়েছে) এবং অন্যদিকে বৈদেশিক মুদ্রার বিনিময় হার অত্যধিক বেড়েছে। তাছাড়া গ্যাস, বিদ্যুৎ, জ্বালানী, দৈনন্দিন প্রয়োজনীয় দ্রব্যাদিসহ সকল খাতের খরচ বিশাল আকারে বৃদ্ধি পেয়েছে। উল্লেখ্য যে, আমাদের এম্পুল ফর্মিং মেশিনগুলোর মধ্যে তিনটি অতি পুরাতন, তাই এগুলোর রক্ষণাবেক্ষণ/খুচরা যন্ত্রাংশের খরচ দিন দিন বৃদ্ধি পাচ্ছে। এছাড়া উক্ত মেশিনের ৩টি ওভেন ব্যবহারের ক্ষেত্রে প্রায় অনুপযোগী হয়ে পড়ায় ইউরোপ হতে একটি ওভেন আমদানী করা হয়েছে এবং স্থানীয় একটি কোম্পানি হতে একটি ওভেন ক্রয় করা হয়েছে যার ফলে অপচয় হ্রাস পেয়েছে এবং বার্ষিক উৎপাদন ক্ষমতা বৃদ্ধি পেয়েছে। ইতিমধ্যে আরও ১টি স্থানীয় ওভেনের কার্যাদেশ প্রক্রিয়াধীন আছে, যা আশা করা যাচ্ছে আগামী বছরের শুরুতেই সফলভাবে কার্যকরী এবং সক্রিয় হবে ইনশাআল্লাহ।

যদিও এম্পুলের চাহিদা ক্রমশ বেড়েই চলেছে, আমাদের বর্তমান কারখানায় নতুন মেশিন স্থাপন করার জায়গা পর্যাপ্ত না থাকায় চাহিদা অনুযায়ী উৎপাদন ক্ষমতা বৃদ্ধি করা এই মুহুর্তে সম্ভব হচ্ছে না। এ কারণেই ইতিমধ্যে একটি প্রাইভেট লিমিটেড কোম্পানির সাথে চুক্তিভিত্তিক উৎপাদনের ব্যবস্থা করা হয়েছে যা ১লা অক্টবর ২০২৩ থেকে ৩১শে মার্চ ২০২৪ (৬ মাস) পর্যন্ত পরিষ্কারমূলক ভাবে চলবে। ফলাফল সন্তোষজনক হলে চুক্তি নবায়ন করা হবে। আমরা সকলেই আশ্রয় চেষ্টা চালিয়ে যাচ্ছি, যাতে আগামীতে কোম্পানির অবস্থা আরও উন্নতি করতে সক্ষম হই। এব্যাপারে সংশ্লিষ্ট সকলের সার্বিক সহযোগিতা একান্ত কাম্য।

##### ১.৪ পন্যভিত্তিক পারফরমেন্সঃ

কোম্পানির উৎপাদিত মূল পণ্য শুধুমাত্র একটিই, তা হলো নিউট্রাল গ্লাস এম্পুল। এর ভিতরে সাইজ ভিত্তিক রয়েছে মূলত ৭(সাত) প্রকার - ১এম.এল, ২এম.এল, ৩এম.এল, ৫এম.এল, ১০এম.এল, ২০এম.এল, এবং ২৫এম.এল। গ্লাসের বাহ্যিক রঙ ২(দুই) প্রকার - এম্বার এবং ক্লিয়ার। প্রতি বছর সাইজভিত্তিক বা গ্লাসের বাহ্যিক রঙ ভিত্তিক চাহিদা এবং উৎপাদন মূলত নির্ভর করে বাজারে ক্রেতা কোম্পানিগুলোর ইঞ্জেকশন ঔষধের চাহিদার উপর। যার কারণে একেক বছরের রঙ/সাইজভিত্তিক পারফরমেন্স অন্য বছরের সাথে সামঞ্জস্যপূর্ণ নয়। সুতরাং, বছরভিত্তিক তুলনামূলক পারফরমেন্স বিশ্লেষণ করা অনাবশ্যক।

# পরিচালক মন্ডলীর প্রতিবেদন

## ২.০ আর্থিক ফলাফলঃ

গত ৭ (সাত) বছরের তুলনামূলক আর্থিক ফলাফল নিম্নে প্রদত্ত হলোঃ

Sl.	Particulars	2016-17	2017-18	2018-19	2019-20	2020-21	2021-22	2022-23
1	Production (in lac pcs.)	937.19	1,123.67	1,232.34	1,234.80	1,250.02	1,464.16	1,460.59
2	Net Sales (Tk. in lac)	1,802.37	2,349.93	2,490.55	2,695.69	2,802.92	3,230.48	3,084.94
3	Cost of Goods Sold (COGS) (Tk. in lac)	1,132.20	1,435.99	1,508.51	1,627.17	1,741.40	2,189.30	2,564.70
4	COGS Percentage on Sales (%)	62.82%	61.11%	60.57%	60.36%	62.13%	67.77%	83.14%
5	Gross Profit (Tk. in lac)	670.17	913.94	982.04	1,068.52	1,061.53	1,041.18	520.24
6	Gross Profit Margin (%)	37.18%	38.89%	39.43%	39.64%	37.87%	32.23%	16.86%
7	Net Profit/(Loss) before Tax (Tk. in lac)	436.77	626.79	644.14	699.66	653.55	535.44	102.97
8	Net Profit/(Loss) Margin before Tax (%)	24.23%	26.67%	25.86%	25.95%	23.32%	16.57%	3.34%
9	Net Profit after Tax (Tk. in lac)	295.69	470.10	483.11	524.75	502.59	347.64	(63.83)
10	Income Tax (Tk. in lac)	141.09	156.70	161.04	174.91	147.05	185.08	167.30
11	Value Added Tax (VAT) (Tk. in lac)	281.71	367.79	386.63	417.02	433.55	495.32	470.42
12	Earnings Per Share (EPS) (Tk.)	9.48	15.07	15.48	16.82	16.11	11.14	(2.05)
13	Reserve & Surplus Fund (Tk. in lac)	1,233.32	1,585.27	1,905.76	2,263.56	2,597.82	2,771.52	2,535.78
14	Fixed Assets (W.D.Value) (Tk. in lac)	662.12	862.79	788.30	741.19	753.97	722.75	668.60
15	Current Assets : Current Liabilities	1 : 0.43	1 : 0.40	1 : 0.31	1 : 0.24	1 : 0.19	1 : 0.23	1 : 0.31
16	NAV Per Share (Tk.)	49.53	60.81	71.08	82.54	93.26	98.83	91.28
17	NOCF Per Share (Tk.)	4.09	12.51	8.05	13.04	10.07	10.85	2.33
18	Dividend (Cash)	35%	50%	50%	50%	50%	50%	10%
19	Dividend Payout (Tk. in lac)	109.20	156.00	156.00	156.00	156.00	156.00	31.20
20	Share Price as on June 30 of FY (Tk.)	273.50	688.60	607.60	408.10	397.90	815.00	790.70

### Explanation on Significant Deviation from Last Year's Financial Results:

Previous financial year's global energy crisis resulting from Europe's geo-political conflict had gradually rolled down to a national economic crisis affecting the financial year 2022-23. Cost of Goods Sold has skyrocketed drastically making it a massive 83.14% of Net Sales compared to last year's figure of 67.77% only. As a result, Gross Profit Margin stood at a meager 16.86% compared to that of last year which was almost twice as much. Net Profit Margin before Tax has significantly run down to 3.34% from 16.57%.

The reasons for such significant deviation are given in details under Note 28.00 to the Financial Statements in the Annual Report 2022-23. To summarize shortly, the major reasons include reduction in sales due to hamper in production from frequent power cuts and gas supply shortage; radical increase in the cost of electricity, gas, and importing raw materials resulting from extreme rise in foreign exchange rate; payment of excessive non-refundable advance tax in the form of TDS despite minimal profits explained under Section 9.0 (৯.০) of this report; and most importantly, unchanged selling price of glass ampoules.

### Explanation on any Significant Variance between Quarterly and Annual Financial Performances:

It can be stated that there was no significant variance between the quarterly and annual financial performances for the FY 2022-23. This is because the trajectory of the financial performances in the 1<sup>st</sup> quarter of FY 2022-23 gave the initial impression that the profitability, position, and cash flows of the Company would be adversely affected at the end of the reporting year. The Net Sales, EPS, and NOCFPS dropped by a huge margin compared to previous year's 1<sup>st</sup> quarter. The 2<sup>nd</sup> quarter dropped even more generating a negative EPS in three months till the 3<sup>rd</sup> quarter, and eventually stood negative at the end of the reporting year.

## ৩.০ বকেয়া আবগারী শুল্কঃ

১৯৮৪-১৯৮৯ অর্থ-বছরসমূহের ১২.৩৯ লক্ষ টাকার বকেয়া আবগারী শুল্ক সংক্রান্ত প্রতিবেদন বিগত বছরসমূহে আপনাদেরকে অবহিত করা হয়েছে। মামলাটি এখনও নিষ্পত্তি হয়নি।

## ৪.০ আয়করঃ

(ক) অর্থবছর ২০০৪-২০০৫ (আয়কর বছর ২০০৫-২০০৬) বার্ষিক সাধারণ সভায় সম্মানিত শেয়ারহোল্ডার কর্তৃক অনুমোদিত নিরীক্ষিত হিসাব অনুযায়ী ১৫,৮৬,২০৭.০০ টাকা আয়কর প্রাপ্য, যার বিপরীতে ১০,৩৪,৪৫২.০০ টাকা অগ্রিম আয়কর সমন্বয় করা হয় এবং বাকী টাকা আমাদের পূর্ববর্তী বছরের প্রাপ্য থেকে সমন্বয় করে সঠিক সময়ে আয়কর রিটার্ন দাখিল করা হয়েছে। উপ-কর কমিশনার মহোদয় আর্থিক ও একতরফাভাবে কতিপয় খরচ অগ্রাহ্য করে ২৪,৭২,৭২৮.০০ টাকা আয়কর ধার্য করেছেন এবং শুধুমাত্র অগ্রিম আয়করের ১০,৩৪,৪৫২.০০ টাকা হিসাবভুক্ত

# পরিচালক মন্ডলীর প্রতিবেদন

করেছেন। তিনি ১৪,৩৮,২৭৬.০০ টাকার সাথে সুদ ১,৬৪,০১৯.০০ টাকা যোগ করে মোট ১৬,০২,২৯৫.০০ টাকার একখানা ডিম্যান্ডনোট প্রেরণ করেছেন। আমরা অতিরিক্ত কমিশনার অব ট্যাক্সেস (আপীল) মহোদয়ের কাছে ২৭-০৪-২০০৮ইং তারিখে আপীল দায়ের করেছি। বিষয়টি বিবেচনার জন্য আমরা গত ১৮-০৮-২০০৮ইং এবং ১৮-০৫-২০১০ইং তারিখ তাগাদাপত্র প্রেরণ করেও কোন ফল পাইনি। উল্টো উপ-কর কমিশনার মহোদয় পুনরায় ২৮-০৮-২০১৪ইং তারিখে পূর্বের ১৬,০২,২৯৫.০০ টাকার দাবীনামাটি প্রেরণ করেন। কোম্পানি নোটিশ গ্রহণের সাথে সাথে নির্ধারণী আদেশের সার্টিফাইড কপি জন্য আবেদন করে এখন পর্যন্ত কোন সার্টিফাইড কপি পায়নি।

(খ) অর্থবছর ২০০৫-২০০৬ (আয়কর বছর ২০০৬-২০০৭) বার্ষিক সাধারণ সভায় নিরীক্ষিত হিসাব অনুমোদিত হওয়ার পর সঠিক সময়ে আয়কর রিটার্ন দাখিল করা হয়। উপ-কর কমিশনার মহোদয় চূড়ান্ত নির্ধারণী আদেশ “শূন্য” দাবীনামা প্রেরণ করেন। অথচ ৩ বছর পর অর্থাৎ ২৯-০৪-২০১০ইং তারিখে উপ-কর কমিশনার মহোদয় অযৌক্তিকভাবে বকেয়া আয়কর ১২,৩৮,৩৪৭.০০ টাকার সাথে ২,৪১,৯৫৪.০০ টাকা সুদ যোগ করে মোট ১৪,৮০,৩০১.০০ টাকা পরিশোধ করার জন্য নোটিশ প্রেরণ করেন। কোম্পানি অবিলম্বে বিস্তারিত ব্যাখ্যাসহ নোটিশটি বাতিলের জন্য অনুরোধ জানান; কিন্তু উপ-কর কমিশনার মহোদয় দীর্ঘ ৪ বছর পরে অর্থাৎ ২৮-০৮-২০১৪ইং তারিখে ১৪,৮০,৩০১.০০ টাকার দাবীনামাটি পুনরায় প্রেরণ করেন। বাধ্য হয়ে আমরা ১০-০৯-২০১৪ইং এবং পুনরায় ০৮-১১-২০১৬ইং তারিখে মূল আদেশের সার্টিফাইড কপি প্রেরণের জন্য অনুরোধ করি; কিন্তু অদ্যাবধি তা পাওয়া যায়নি।

(গ) অর্থবছর ২০০৬-২০০৭ (আয়কর বছর ২০০৭-২০০৮) বার্ষিক সাধারণ সভায় নিরীক্ষিত হিসাব অনুমোদিত হওয়ার পর যথাসময়ে আয়কর রিটার্ন দাখিল করা হয়েছে। ২৫,৮১,৯৭৪/- টাকা আয়কর প্রাপ্য হলে উক্ত বছরে কোম্পানির পরিশোধিত অগ্রিম আয়কর ৩২,৭৫,৬৬৯/- টাকা থেকে উহা সমন্বয়ের পর ৬,৯৩,৬৯৫/- টাকা বেশী জমা ছিল। কয়েক বছর পর অর্থাৎ ২১-১০-২০১০ইং তারিখে ডেপুটি কমিশনার মহোদয় হঠাৎ করে অযৌক্তিকভাবে ৫৩,০১,০৪০/- টাকার একটি নোটিশ প্রেরণ করেন। উক্ত নোটিশের বিপরীতে কোম্পানি নির্ধারণী আদেশ ও সার্টিফাইড কপি জন্য আবেদন করে এবং সর্বশেষ ০৮-১১-২০১৬ইং তারিখে তাগাদাপত্র প্রদান করলেও অদ্যাবধি কোন সার্টিফাইড কপি পাওয়া যায়নি।

## ৫.০ ভ্যাট (মুসক)

২০১২-১৩ইং অর্থবছর হতে ২০১৬-১৭ইং অর্থবছর পর্যন্ত সময়ের মুসক নিরীক্ষা দল কর্তৃক নিরীক্ষিত প্রতিবেদন অনুযায়ী কমিশনার, কাস্টমস্ এক্সাইজ ও ভ্যাট, ঢাকা উত্তর কমিশনারেট মুসক পরিহার বাবদ সর্বমোট ৬৩,৫৫,৮৪৪.৮৪ (সুদ ব্যতীত) টাকা আদায়ের জন্য মূল্য সংযোজন কর আইন, ১৯৯১ ধারা-৫৫ এর উপধারা-১ অনুযায়ী ফার্মা এইডস লিঃ-এর বিরুদ্ধে একটি দাবীনামা সম্বলিত কারণ দর্শানোর নোটিশ জারি করেন। উক্ত নোটিশের প্রেক্ষিতে ব্যবস্থাপনা পরিচালক মহোদয় উক্ত দাবীনামা যে অযৌক্তিক ও ভিত্তিহীন তার স্বপক্ষে বিস্তারিত ব্যাখ্যাসহ ব্যক্তিগত শুনানীতে হাজিরার সুযোগ চেয়ে গত ১১-১০-২০২০ইং তারিখে কমিশনার বরাবর একটি পত্র প্রেরণ করেন। উক্ত পত্রের প্রেক্ষিতে কমিশনার মহোদয় ২৪-১১-২০২০ইং তারিখে শুনানীর তারিখ ধার্য করলে কোম্পানীর প্রতিনিধি উক্ত শুনানীতে হাজির হয়ে কমিশনার মহোদয়ের নিকট বিভিন্ন যুক্তি উপস্থাপনের মাধ্যমে অযৌক্তিক ও ভিত্তিহীন দাবীনামা হতে অব্যাহতি দানের অনুরোধ জানালে তিনি বিষয়টি বিবেচনাধীন ও প্রক্রিয়াধীন অবস্থায় শুনানী সমাপ্ত করেন। এরপর চূড়ান্ত সিদ্ধান্তের জন্য একাধিক চিঠিপত্র দেওয়া হয়। অবশেষে কোম্পানি ৩০-০৩-২০২২ইং তারিখে কর্তৃপক্ষের কাছে লিখিতভাবে আরও একটি বিস্তারিত বিবৃতি এবং স্পষ্টীকরণ চিঠি পেশ করে, যাতে ব্যাখ্যা করা হয় যে কোম্পানিটি সকল ভ্যাট প্রদান করেছে; কিন্তু তারা ১৭-০৫-২০২২ইং তারিখে আমাদের একটি সংশোধিত ডিম্যান্ড নোট পাঠায়, যাতে ২৯-০৫-২০২২ইং তারিখে আরও একটি শুনানির বিধানসহ তাদের দাবি ৬৩,৫৫,৮৪৪.৮৪ টাকা থেকে ২১,৪৭,৯৮৪.০০ টাকায় কমিয়ে দেওয়া হয়। কোম্পানির প্রতিনিধি ব্যবস্থাপনা পরিচালকের দ্বারা লিখিত ১১-১০-২০২০ইং তারিখের চিঠির একটি কপিসহ শুনানীতে উপস্থিত হয়েছিলেন এই ব্যাখ্যা দিয়ে যে কোম্পানি কোনোভাবেই কোনো পরিমাণ ভ্যাটের খেলাপি ছিল না। এরপর কমিশনার বিষয়টি আরও সুনির্দিষ্টভাবে দেখার ইচ্ছা প্রকাশ করেন। সর্বশেষ মৌখিক এবং টেলিফোনে কথোপকথনের ভিত্তিতে কোম্পানির ব্যবস্থাপনা পরিচালক নিজে ১০-০৮-২০২২ইং তারিখে কর্তৃপক্ষের সামনে ব্যক্তিগতভাবে হাজির হন এবং বিস্তারিতভাবে ব্যাখ্যা করেন যে কোম্পানির কাছে এই অতিরিক্ত ভ্যাট প্রদানের দাবী অযৌক্তিক, অগ্রহণযোগ্য এবং বাতিলযোগ্য। দুর্ভাগ্যবশত এই আলোচ্য বছরে কোম্পানির বিরুদ্ধে রায় দিয়ে মোট ২১,৪৭,৯৮৪.০০ টাকা অতিরিক্ত ভ্যাট প্রদান করার জন্য কর আদেশ দেয়া হয়, যা কোম্পানির মুনাফার উপর বাড়তি নেতিবাচক প্রভাব ফেলে।

## ৬.০ পরিচালকগণের অবসর গ্রহণ ও পুনঃনিয়োগ:

কোম্পানির আর্টিকেলস অব এসোসিয়েশনের ১৩৫ অনুচ্ছেদ অনুযায়ী চক্রানুক্রমে পরিচালকমন্ডলী হতে জনাব এম, এ, মাসুদ এবছর অবসর গ্রহণ করেছেন। তিনি পুনঃনিয়োগের যোগ্য হওয়ায় নিয়োগ প্রাপ্তির জন্য আগ্রহ প্রকাশ করেছেন।

## ৭.০ কোম্পানির নিরীক্ষা ব্যবস্থা:

কোম্পানির নিরীক্ষা কমিটির চেয়ারম্যান - জনাব মোঃ মোমিনুল হক ঢালী, স্বতন্ত্র পরিচালক, এবং হেড অফ ইন্টারনাল অডিট এন্ড কমপ্লায়েন্স - জনাব মোঃ নজরুল ইসলাম, সহকারী একাউন্টস ব্যবস্থাপক, তাঁরা নিরীক্ষা কমিটির ও অভ্যন্তরীণ নিরীক্ষার কার্যকলাপ, দায়িত্ব ও কর্তব্য অত্যন্ত দক্ষতার সাথে পালন করে আসছেন। আলোচ্য ২০২২-২০২৩ইং অর্থবছরে উক্ত কমিটির কোন বিরূপ প্রতিবেদন ছিল না, যা অডিট কমিটির চেয়ারম্যান মহোদয়ের প্রতিবেদনে সন্নিবেশিত করা হয়েছে।

## ৮.০ পরিচালকমন্ডলীর পারিশ্রমিক/সম্মানী ও বোর্ড মিটিং :

গতবছরে কোম্পানির ৪১তম বার্ষিক সাধারণ সভায় ০১-০৭-২০২২ইং তারিখ থেকে ব্যবস্থাপনা পরিচালক মহোদয়ের মাসিক পারিশ্রমিক ৭,০০,০০০/- টাকাসহ অন্যান্য সুবিধা সমন্বিতভাবে করার জন্য বোর্ড সুপারিশ করেছিলেন, যা শেয়ারহোল্ডারগণের অধিকাংশ ভোট দ্বারা অনুমোদিত হয়েছে। এছাড়া ০১-০৭-২০২২ইং তারিখ থেকে চেয়ারম্যান মহোদয়কে ২,০০,০০০/- টাকা এবং দুই ডাইরেক্টর মহোদয়কে ৮০,০০০/- টাকা করে মাসিক

# পরিচালক মন্ডলীর প্রতিবেদন

সম্মানী প্রদানের জন্য বোর্ড সুপারিশ করেছিলেন, সেটিও অধিকাংশ শেয়ারহোল্ডারগণের ভোট দ্বারা অনুমোদিত হয়েছে। আলোচ্য অর্থবছরে পরিচালনা পর্ষদের সার্বিক পারিশ্রমিক/সম্মানী এবং এক্সিকিউটিভগণের বেতনাদি স্টেটমেন্ট নোট নং ২৫.০০ এবং বোর্ড মিটিং-এর সংখ্যা, উপস্থিতি ও ফি নোট নং ২৬.০০-এ সন্নিবেশিত করা হয়েছে।

## ৯.০ লভ্যাংশ ঘোষণা:

দেশের সার্বিক অর্থনৈতিক মন্দা, বৈদেশিক মুদ্রার তীব্র সংকট, ও মুদ্রাস্ফীতির মত সকল বিপর্যয়ের পরেও আলোচ্য ২০২২-২০২৩ইং অর্থবছরে কর পূর্ববর্তী ১০২.৯৬ লক্ষ টাকা নীট মুনাফা অর্জিত হয়েছে; কিন্তু একটি পাবলিকলি লিস্টেড কোম্পানি হিসেবে যেখানে সর্বোচ্চ ২২.৫০% হারে আয়কর দেবার কথা, সেখানে Minimum Tax-ITA-2023 ধারা-১৬৩(২) [প্রাক্তন আইন Minimum Tax-ITO-1984, ধারা-৮২সি(২)]-এর ভিত্তিতে কোম্পানির করপূর্বক লাভের উপর ১৬২.৪৮% উৎস হতে অগ্রিম আয়কর (TDS) হিসেবে প্রদান করা হয়েছে যা অপ্রত্যাশিত/অফেরতযোগ্য। তাই দূর্ভাগ্যবশত আলোচ্য বছরে করপরবর্তীতে লোকসান হয়েছে ৬৩.৮২ লক্ষ টাকা। এরপরেও, বিনিয়োগকারীদের স্বার্থে Retained Earnings থেকে সকল শেয়ারহোল্ডারগণদের জন্যে শেয়ার প্রতি ১০% হারে নগদ লভ্যাংশ পরিচালনা পর্ষদ অনুমোদনের জন্য সুপারিশ করেছেন। অবশিষ্ট উপার্জিত অর্থ ভবিষ্যতে সম্ভাব্য BMRE প্রকল্পসহ অন্যান্য কর্ম-পরিকল্পনার কাজে পরিচালনা পর্ষদ প্রয়োগ করতে পারেন।

## ১০.০ সংবিধিবদ্ধ নিরীক্ষক (স্ট্যাটুটরি অডিটর) নিয়োগ ও তাঁদের পারিশ্রমিক নির্ধারণ:

২০২২-২০২৩ইং অর্থবছরে মেসার্স শফিক বসাক এন্ড কোং, চার্টার্ড একাউন্ট্যান্টস, ২৯২, ইনার সার্কুলার রোড, ফকিরাপুল, মতিঝিল, ঢাকা, সংবিধিবদ্ধ নিরীক্ষক ছিলেন। তারা ২০২৩-২০২৪ইং অর্থবছরের জন্য সংবিধিবদ্ধ নিরীক্ষক হিসেবে নিয়োগ লাভের ইচ্ছা প্রকাশ করায় পরিচালনা পর্ষদ তাঁদের পারিশ্রমিক বার্ষিক ১,৬০,০০০/- টাকা নির্ধারণপূর্বক পুনঃনিয়োগের সুপারিশ করেছেন।

## ১১.০ প্রতিপালন নিরীক্ষক (কমপ্লায়েন্স অডিটর) নিয়োগ ও তাঁদের পারিশ্রমিক নির্ধারণ:

কর্পোরেট গভার্নেন্স এর শর্ত প্রতিপালনের জন্য মেসার্স মালেক সিদ্দিকী ওয়ালা, চার্টার্ড একাউন্ট্যান্টস, ৯ জি মতিঝিল বানিজ্যিক এলাকা (৩য় তলা), ঢাকা-১০০০, কমপ্লায়েন্স অডিটর হিসেবে নিয়োগ লাভের ইচ্ছা প্রকাশ করায় পরিচালনা পর্ষদ তাঁদের পারিশ্রমিক বার্ষিক ৪০,০০০/- টাকা নির্ধারণপূর্বক ২০২৩-২০২৪ইং অর্থ বছরের জন্য প্রতিপালন নিরীক্ষক নিয়োগের সুপারিশ করেছেন।

## ১২.০ রিলেটেড পার্টি ট্রানজেকশন:

ফার্মা এইডস লিঃ এক্সেলসিয়ার গ্রুপের একটি অঙ্গ প্রতিষ্ঠান। এই গ্রুপের সংশ্লিষ্ট কোম্পানির সাথে লেনদেনের হিসাব নোট নং ৩৮.০০-এ সন্নিবেশিত করা হয়েছে। লেনদেনগুলো arm's length basis-এ বেশ সীমিত আকারে করা হয়ে থাকে বিধায় কোম্পানিকে কোনো আর্থিক প্রতিকূলতার সম্মুখীন হতে হয়না। কোম্পানির অডিট কমিটি এই লেনদেনগুলো প্রতিনিয়ত পর্যবেক্ষণ করছেন।

## ১৩.০ অভ্যন্তরীণ এবং বাহ্যিক ঝুঁকিসমূহ

কোভিড-১৯ ও ইউরোপে ভূ-রাজনৈতিক অস্থিরতার প্রভাব, ও দেশের অর্থনৈতিক মন্দার কারণে কিছু ক্রেতাদের থেকে ট্রেড রিসিভাবল্‌স আদায়ের পরিমাণ অনিয়মিত হয়েছে। কিছু ক্রেতাদের পরিচালনা পর্ষদেও পরিবর্তন এসেছে, যার কারণে তাঁদের সাথে ভবিষ্যত লেনদেন নিয়ে অনিশ্চয়তা রয়েছে। তবে পাওনা আদায় করার যথাসাধ্য ব্যবস্থা গ্রহণ করা হচ্ছে। সংবিধিবদ্ধ নিরীক্ষকের পরামর্শ এবং বোর্ডের সিদ্ধান্ত অনুযায়ী গতবছরের ন্যায় ১% খেলাপি হওয়ার বিধান আলোচ্য বছরে রাখা হয়েছে। এছাড়াও অন্যান্য ঝুঁকিসমূহের বিস্তারিত ব্যাখ্যা আর্থিক বিবৃতির নোট নং ৪৩.০২-এ সন্নিবেশিত করা হয়েছে।

## ১৪.০ পরিচালনা পর্ষদের অন্যান্য বিবৃতি:

As far as the knowledge of the Directors is concerned, they are also reporting that:

- The financial statements prepared by the Management of the Company present fairly its state of affairs, the result of its operations, cash flows, and changes in equity;
- Proper Books of Accounts of the Company have been maintained;
- Appropriate Accounting Policies have been followed in preparing the financial statements and that the accounting estimates are based on reasonable and prudent judgment;
- The Financial Statements have been prepared in accordance with International Accounting Standard (IAS) and International Financial Reporting Standards (IFRS), as applicable in Bangladesh;
- The internal control system is sound in design and has been effectively implemented and monitored.
- There is commitment to protect the interests of all shareholders, including the rights of the minority shareholders, while promoting integrity, transparency, and accountability;
- There is no doubt upon the Company's ability to continue as a going concern.

## ১৫.০ Management's Discussion & Analysis:

Management's Discussion and Analysis (disclosed in Annexure-VI of this report), signed by the Managing Director, offers a detailed analysis of the Company's position and operations, including changes (if any) in financial statements.



# পরিচালক মন্ডলীর প্রতিবেদন

## ১৬.০ কর্পোরেট গভার্নেন্স এর শর্ত প্রতিপালনঃ

সিকিউরিটিজ এন্ড এক্সচেঞ্জ কমিশন এর ০৩-০৬-২০১৮ইং তারিখের SEC/CMRRCD/2006-158/207/Admin/80 নং নোটিফিকেশনের Annexure-C তে উল্লিখিত নির্দেশাবলীর, যে সকল শর্ত কোম্পানির ক্ষেত্রে প্রযোজ্য, সবগুলো শর্ত প্রতিপালন সম্পন্ন করা হয়েছে। Annexure-I-X এর মধ্যে কোম্পানির কর্পোরেট গভার্নেন্স এর অবস্থান সন্নিবেশিত করা হয়েছে।

## ১৭.০ চলতি (২০২৩-২০২৪ইং) অর্থবছরের অবস্থা এবং পূর্বাভাসঃ

চলতি অর্থবছরে কোম্পানি তুলনামূলক বেশী লাভজনকের দিকে এগোচ্ছে; তবে আগামী বছর পর্যন্ত এর পূর্বাভাস ইতিবাচক হবে কিনা, তা নির্ভর করছে মূলত বৈদেশিক মুদ্রার হারের স্থিতিশীলতার উপর। ২০২২-২৩ইং অর্থবছরের জুলাই হতে সেপ্টেম্বর, এই ৩ মাসে উৎপাদন হয়েছিল ৩.৫০ কোটি পিস্ এ্যাসম্পুল ও নিট বিক্রয় হয়েছিল ৭.৩১ কোটি টাকা। বর্তমান ২০২৩-২৪ইং অর্থবছরে একই সময় উৎপাদন হয়েছে ৩.৮৯ কোটি পিস্ এ্যাসম্পুল ও নিট বিক্রয় হয়েছে ৯.৩৮ কোটি টাকা, যা গত বছরের তুলনায় যথাক্রমে ১১.১৪% ও ২৮.৩২% বেশী। এর মূল কারণ, জুলাই ২০২৩ থেকে গ্লাস এ্যাসম্পুলের বিক্রয় মূল্য বৃদ্ধি করা হয়েছে এবং গতবছরের তুলনায় বিদ্যুৎ ও গ্যাস সংকট কিছুটা লাঘব হওয়ায় উৎপাদন বেশী হয়েছে। আগামী মাসগুলোতে উৎপাদন ও বিক্রয় বৃদ্ধির জন্য আরও আশ্রয় চেষ্টা করা হচ্ছে।

## ১৮.০ Auditors' Opinion:

- "The Company has debit balance with related party of Tk. 26,930,913 shown as other receivable in note no. 4.00 in these financial statements, which should be disclosed as related party transaction disclosure in note no. 38.00. But, no such disclosure has been made in these financial statements. Moreover, no interest is charged/accrued during the year on related party debit balance."
- "Shareholding position of sponsors and directors is 23.58% of paid-up capital as on June 30, 2023 which falls short to the minimum required shareholding of 30% of paid-up capital as per BSEC Notification No. BSEC/CMRRCD/2009-193/217/Admin/90 dated 21st May2019."

## Company's Opinion:

- During the FY 2022-2023, despite the negative impact of COVID19 pandemic, geo-political conflict in Europe, national economic crisis, and high inflation on all the debtors, the Company has recovered Tk.1,241,498 and significantly reduced the balance of Other Receivables from Tk.29,306,316 (as on 30-06-2022) to Tk.28,064,818 (as on 30-06-2023). Apart from the sister concerns under the Excelsior Group, the Company has always tried to respect the privacy of all the indebted private limited companies. Please rest assured, the Company is confident in recovering the debit balance gradually over the ordinary course of business, Insha'Allah.
- Regarding the joint shareholding of 30% by sponsors & directors of the Company, given the Company's share price trend over the past two years, it has been extremely difficult to find suitable and honest investors for directorship in the Company because they are not interested in blocking their huge amount of fund; rather more interested in making profits from short-term share trading. The existing directors and sponsors also do not have that much liquid fund available. The Board has tried all possible and practical avenues and also submitted proposals to BSEC for resolving this matter. Anyway, the Board is continuing to try and meet this regulatory requirement as early as practically possible.

## উপসংহারঃ

পরিচালকমন্ডলী সম্মানিত সকল শেয়ারহোল্ডারবৃন্দ, ক্রেতাসমূহ, সংশ্লিষ্ট ব্যাংক, বিএসইসি ও ডিএসইসহ সকল স্তরের কর্মকর্তা-কর্মচারী-শ্রমিকবৃন্দ এবং কোম্পানির অন্যান্য সহযোগী প্রতিষ্ঠানসমূহের প্রতি আন্তরিকভাবে ধন্যবাদ জ্ঞাপন ও কৃতজ্ঞতা প্রকাশ করছেন।

পরিচালকমন্ডলীর পক্ষে,



এম, এ, মাসুদ  
চেয়ারম্যান